



Број:
Sarajevo, 16.3.2016.

Predsjedavajući Zajedničke komisije za odbranu i sigurnost BiH Sifer Podžić i parlamentarni vojni povjerenik BiH Boško Šiljegović učestvovali na Godišnjoj konferenciji o obuci i doktrini Oružanih snaga BiH

Predsjedavajući Zajedničke komisije za odbranu i sigurnost BiH Sifer Podžić i parlamentarni vojni povjerenik BiH Boško Šiljegović učestvovali su u radu Godišnje konferencije o obuci i doktrini Oružanih snaga Bosne i Hercegovine (OSBiH), koja je danas održana u Domu OSBiH u Sarajevu.

Učesnicima Konferencije, tokom koje je prezentiran godišnji pregled rezultata i drugih pokazatelja na polju edukacije i obuke pripadnika, komandi i jedinica OSBiH u zemlji i inozemstvu, obratili su se ministrica odbrane BiH Marina Pendeš, te načelnik Zajedničkog štaba OSBiH general - pukovnik Anto Jeleč i njegovi zamjenici general-majori Mirko Tepšić i Senad Mašović.

Na Konferenciji su prikazani i infrastrukturni, te drugi kapaciteti za obuku u OSBiH, a izvršen je i uvid u stepen razvoja vojne doktrine u 2015. godini. Predstavljeni su i ključni događaji na obukama u tekućoj godini, kao i očekivanja, prioriteti i izazovi kroz ograničenja ili nedovoljnu dostupnost resursa, a prezentiran je i novi pristup konceptu operativnih sposobnosti jedinica OSBiH.